

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

Z A K L J U Č A K
o odbacivanju Prijave koncentracije privrednog subjekta NES d.o.o. Banja Luka

Sarajevo,
april, 2020. godine.

Broj: UP-04-26-1-002- 8/20
Sarajevo, 23.04.2020. godine

Konkurencijsko vijeće Bosne i Hercegovine, na osnovu člana 25. stav (1) tačka e) i člana 42. stav (2), u skladu s čl. 12. i 16. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta Društvo sa ograničenom odgovornošću „NES“ Banja Luka, ul. Cara Lazara br. 31, 78000 Banja Luka, Bosna i Hercegovina podnesenoj putem punomoćnika, privrednog subjekta MONET BROKER a.d. Banja Luka, ulica Petra I Krađorđevića, privremena adresa poslovanja u ulici Jovana Dučića 23a, 78000 Banja Luka, Bosna i Hercegovina, zaprimljenoj dana 03.01.2020. godine pod brojem: UP-04-26-1-002-1/20, na 68. (šezdesetosmoj) sjednici održanoj dana 23.04.2020. godine, donijelo je

ZAKLJUČAK

1. Odbacuje se Prijava koncentracije privrednog subjekta Društvo sa ograničenom odgovornošću „NES“ Banja Luka, radi nepostojanja koncentracije, u smislu člana 12. stav (1) Zakona o konkurenciji.
2. Obavezuje se privredni subjekt Društvo sa ograničenom odgovornošću „NES“ Banja Luka da plati administrativnu taksu na Zaključak u iznosu od 1.000,00 KM u korist Budžeta institucija Bosne i Hercegovine.
3. Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 03.01.2020. godine pod brojem: UP-04-26-1-002-1/20, zaprimilo Prijavu koncentracije (u daljem tekstu: Prijava) privrednog subjekta Društvo sa ograničenom odgovornošću „NES“ Banja Luka, ul. Cara Lazara br. 31, 78000 Banja Luka, Bosna i Hercegovina (u daljem tekstu: Podnosilac prijave ili NES d.o.o. Banja Luka), podnesenu putem punomoćnika, privrednog subjekta MONET BROKER a.d. Banja Luka, ulica Petra I Krađorđevića, privremena adresa poslovanja u ulici Jovana Dučića 23a, 78000 Banja Luka, Bosna i Hercegovina, u kojoj se navodi da će Podnosilac prijave steći većinsko učešće u privrednom subjektu Akcionarsko društvo za trgovinu naftom, naftnim derivatima i tečnim gasom „KRAJINAPETROL“, ulica Ivana Frane Jukića br. 2, 78000 Banja Luka, Bosna i Hercegovina, u smislu člana 12. stav (1) tačka b) Zakona o konkurenciji (u daljem tekstu: Zakon).

Uvidom u dostavljenu Prijavu, utvrđeno je da istu treba dopuniti, u smislu člana 30. Zakona i odredbi Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10 - u daljem tekstu: Odluka), slijedom čega je od Podnosioca prijave zatražena dopuna, aktom broj: UP-04-26-1-002-4/20 dana 03.02.2020. godine.

Podnosilac prijave je dostavio dodatne podatke i traženu dokumentaciju podneskom zaprimljenim pod brojem: UP-04-26-1-002-5/20 dana 14.02.2020. godine.

Podnosilac prijave je, u smislu člana 30. stav (2) Zakona, naveo da ne postoji namjera podnošenja zahtjeva ili prijave za ocjenu koncentracije izvan teritorije Bosne i Hercegovine.

Nakon kompletiranja Prijave, Konkurencijsko vijeće je dana 21.04.2020. godine Podnosiocu prijave izdalo Potvrdu broj: UP-04-26-1-002-6/20 o prijemu uredne i kompletne prijave, u smislu člana 30. stav (3) Zakona.

Konkurencijsko vijeće je utvrdilo da je Prijava podnesena u propisanom roku, u smislu člana 16. stav (2) Zakona.

1. Učesnici predmetne transakcije

Učesnici planirane transakcije su privredni subjekt Društvo sa ograničenom odgovornošću „NES“ Banja Luka, ul. Cara Lazara br. 31, 78000 Banja Luka, Bosna i Hercegovina i privredni subjekt Akcionarsko društvo za trgovinu naftom, naftnim derivatima i tečnim gasom „KRAJINAPETROL“, ulica Ivana Frane Jukića br. 2, 78000 Banja Luka, Bosna i Hercegovina.

1.1. Privredni subjekt Društvo sa ograničenom odgovornošću „NES“ Banja Luka, ul. Cara Lazara br. 31, 78000 Banja Luka, Bosna i Hercegovina

Privredni subjekt Društvo sa ograničenom odgovornošću „NES“ Banja Luka, ul. Cara Lazara br. 31, 78000 Banja Luka je registrovan u Okružnom privrednom sudu u Banja Luci, pod matičnim brojem (MBS): 57-01-0166-15, JIB 4403872000005, sa skraćenom oznakom firme: „NES“ d.o.o. Banja Luka.

Privredni subjekt „NES“ d.o.o. Banja Luka je u 100% vlasništvu fizičkog lica, Sretena Kesića.

Svoju maloprodajnu aktivnost privredni subjekt „NES“ d.o.o. Banja Luka obavlja na području grada Banja Luka, a djelatnost koju obavlja na tom tržištu je trgovina na malo motornim gorivima u specijaliziranim prodavnicama.

Privredni subjekt „NES“ d.o.o. Banja Luka obavlja i veleprodajnu aktivnost na teritoriji cijele Bosne i Hercegovine, a djelatnost koju obavlja na veleprodajnom tržištu je trgovina na veliko čvrstim, tečnim i gasovitim gorivim i sličnim proizvodima.

Privredni subjekt „NES“ d.o.o. Banja Luka ostvaruje udio u vlasničkoj strukturi sljedećih privrednih subjekata koji se nalaze u Bosni i Hercegovini (povezana društva): Društvo sa ograničenom odgovornošću za trgovinu mješovitom robom „MG –Petrol“ d.o.o. Mrkonjić Grad, Ulica Cara Lazara broj 114, Mrkonjić Grad, koje obavlja djelatnost trgovine na malo motornim gorivima u specijaliziranim prodavnicama (100% učešća u kapitalu istog) i privredni subjekt „KRAJINAPETROL a.d. Banja Luka, ul. Ivana Frane Jukića, 78000 Banja Luka (32,245% od ukupnog broja dionica sa pravom glasa u Skupštini emitenta).

Sreten Kesić, koji je 100% vlasnik privrednog subjekta „NES“ d.o.o. Banja Luka, također je i 100% vlasnik privrednog subjekta Ugostiteljstvo – kafe bar i trgovina „KRUG“ Sreten Kesić s.p. Banja Luka, ul. Gajeva 5, 78000 Banja Luka (osnovna djelatnost: pripreme i posluživanja pića), te posjeduje 16,66% vlasništva u privrednom subjektu Finos d.o.o. Banja Luka, ul. Mirka Kovačevića (osnovna djelatnost: posredovanje u osiguranju između osiguranika i društva za osiguranje).

1.2. Privredni subjekt Akcionarsko društvo „KRAJINAPETROL“ Banja Luka, ul. Ivana Frane Jukića br. 2, 78000 Banja Luka, Bosna i Hercegovina (ciljno društvo)

Privredni subjekt, Akcionarsko društvo za trgovinu naftom, naftnim derivatima i tečnim gasom „KRAJINAPETROL“, ul. Ivana Frane Jukića, 78000 Banja Luka, Bosna i Hercegovina je registrovan kod Okružnog privrednog suda u Banja Luci, pod matičnim brojem (MBS): 1-7450-00, sa skraćenom oznakom firme „KRAJINAPETROL“ a.d. Banja Luka.

U prijavi se navodi da privredni subjekt „KRAJINAPETROL“ a.d. Banja Luka također posluje na tržištu trgovine nafte i naftnim derivatima, te da je orijentisan isključivo na maloprodaju, odnosno da je učesnik na tržištu trgovine motornim gorivima u specijaliziranim prodavnicama.

Vlasničku strukturu privrednog subjekta „KRAJINAPETROL“ a.d. Banja Luka čine dioničari, od koji su većinski: Akcijski fond Republike Srpske a.d. Banja Luka sa 5.865.136 dionica, što čini 42,267074 % vlasništva, te privredni subjekt „NES“ d.o.o. Banja Luka, sa 4.474.470 dionica, što čini 32,2452463% vlasništva, odnosno broja dionica sa pravom glasa u Skupštini emitenta (u momentu podnošenja Prijave).

Kako je navedeno u Prijavi, privredni subjekt „KRAJINAPETROL“ a.d. Banja Luka nema povezanih društava u Bosni i Hercegovini.

2. Pravni osnov predmetne transakcije

Pravni osnov transakcije je Javna ponuda za preuzimanje (u daljem tekstu: Javna ponuda) dionica emitenta, privrednog subjekta „KRAJINAPETROL“ a.d. Banja Luka, lokalna oznaka KRPT-R-A, objavljena od strane privrednog subjekta „NES“ d.o.o. Banja Luka u dnevnom listu „Glas Srpske“, dana 28.12.2019. i 29.12.2019. godine.

Javna ponuda je upućena svim dioničarima emitenta, odnosno vlasnicima dionica koje daju pravo glasa u Skupštini emitenta, sa rokom važenja ponude za preuzimanje od 30 (trideset) dana od dana njenog objavljivanja u dnevnim novinama.

Uvidom u Javnu ponudu utvrđeno je da osnovni kapital emitenta iznosi 13.876.371,00 KM, a podijeljen je na 13.876.371 redovnih (običnih) dionica, klase „A“, nominalne vrijednosti 1,00 KM.

Na dan objave Javne ponude, ponudilac - privredni subjekt „NES“ d.o.o. Banja Luka je vlasnik 4.474.470 dionica emitenta, pojedinačne nominalne vrijednosti 1,00 KM, klase „A“, što predstavlja 4.470.470 glasova u Skupštini emitenta ili 32,245% od ukupnog broja glasova u Skupštini emitenta.

3. Ocjena predmetne transakcije

Članom 12. stav (1) Zakona propisano je šta se sve smatra koncentracijom, dok je članom 14. propisano pod kojim uslovima su učesnici koncentracije obavezni podnijeti prijavu namjeravane koncentracije Konkurencijskom vijeću.

Dakle, koncentracijom, u smislu člana 12. stav (1) Zakona, smatra se:

- a) Spajanje ili pripajanje nezavisnih privrednih subjekata ili dijelova privrednih subjekata;
- b) Sticanje kontrole ili dominantnog uticaja jednog, odnosno više privrednih subjekata nad drugim, odnosno više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) *Sticanjem kupovinom većine dionica ili udjela osnovnog kapitala, ili*
 - 2) *Sticanjem većine prava glasa, ili*
 - 3) *Na drugi način, u skladu sa odredbama zakona koje regulišu osnivanje privrednih subjekata i njihovo upravljanje;*
- c) Zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Prema podacima iz Prijave, prije objave Javne ponude (na dan 26.12.2019. godine), privredni subjekt NES d.o.o. Banja Luka je imao 4.470.470 dionica emitenta KRAJINAPETROL a.d., klase „A“,

nominalne vrijednosti 1,00 KM, od ukupno 13.876.371 redovnih dionica, što predstavlja 32,245% od ukupnog broja glasova u Skupštini emitenta, odnosno 32,245% vlasništva u privrednom subjektu „KRAJINAPETROL“ a.d. Banja Luka, dok je većinski dioničar Akcijski fond Republike Srpske a.d. Banja Luka, ulica Vidovdanska br. 2, 78000 Banja Luka, imao ukupno 5.865.136 dionica emitenta, a što predstavlja 42,267% od ukupnog broja glasova u Skupštini emitenta, odnosno 42,267% vlasništva u privrednom subjektu „KRAJINAPETROL“ a.d. Banja Luka.

Nakon isteka roka važenja ponude za preuzimanje, dana 28.01.2020. godine, utvrđeno je da je za vrijeme trajanja Javne ponude deponovano 3.556 dionica, što predstavlja 3.556 glasova u Skupštini emitenta ili 0,026% od ukupnog broja glasova, koje je ponudilac (privredni subjekt NES d.o.o. Banja Luka) isplatio i preuzeo u zakonskom roku, te je na dan završetka ponude za preuzimanje privredni subjekt NES d.o.o. Banja Luka vlasnik ukupno 4.478.026 dionica, što predstavlja 32,271% glasova u Skupštini emitenta, odnosno 32,271% vlasništva u privrednom subjektu „KRAJINAPETROL“ a.d. Banja Luka.

Analizom naprijed navedenog, te dostavljenih podataka i dokumentacije, Konkurencijsko vijeće je utvrdilo da predmetna transakcija ne ispunjava uslove iz člana 12. stav (1) Zakona, odnosno da predmetna transakcija ne predstavlja koncentraciju u smislu navedenog člana, te je odlučeno kao u dispozitivu ovog Zaključka.

4. Administrativna taksa

Na ovaj Zaključak Podnosilac prijave, u skladu sa članom 2. tarifni broj 108. stav 1. pod d) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06, 18/11 i 75/18), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

5. Pouka o pravnom lijeku

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

mr. Arijana Regoda - Dražić